

Nittarsaateqqitaq: Killiliussap sivitsorneqarnera: Avatangiisinut, Pinngortitamut, Nukissiuutinut Ilisimatusarnermullu Naalakkersuisoqarfimmi ilisimasassarsiornermut allaffiup IT-lerinermut siunnersorti imaluunniit ilinniarnernup saniatigut suliffimmi ikiorti (piffissap ilaa)

Qinnuteqarnissamut killigititaq: 16. august 2026

Ulloq sulilerfissaq: Isumaqatigiissuteqareernerup kingorna

Sumiiffimmi suliffik: Nuuk

**Digitalimik paasissutissiinikkut ilusilersuillaqqippit aamma atorfissaqartitanik
ujartuinissamut ajornaallisitsisinnaavit?**

Ullup ilaannik sulisussamik suliffiup nittartagaanik, aaqqissuussaanermik, imarisaanik aammalu atuisunut pitsaasumik atorneqarsinnaaneranik suliaqarnissamik kajumissuseqartumik – aammalu digitaliusumik aaqqiissutit ulluinnarni pitsaasumik atorneqarnissaanut nuannarinnittumik sulisussarsiorpugut. Uatsinni atorfigisassat pingaaruteqassaaq, ilisimasassarsiorniarluni qinnuteqartut paasissutissanik eqqortunik nassaarsinnaanissaannik aamma digitaliusumik suleriaatsit paasiuminartumik aammalu pitsaasumik ingerlassuseqarsinnaassallutik.

Atorfik pillugu

Pinngortitamut, Avatangiisinut, Nukissiuutinut Ilisimatusarnermullu Naalakkersuisoqarfiup ataani ilisimasassarsiornermut allaffiat Kalaallit Nunaanni sumiiffinni ungasissuni angalanernut qinnuteqaatinik aqutsisuvoq. Tamatumani Sermersuakkut ikaarnernik aamma takornariaqarnermut atatillugu sammisaqarnerit allat, Kalaallit Nunaata avannaani kangianilu Nunap Allannngutsaaliukkap iluani umiarsuakkut takornariartitsinernik kiisalu ilisimatusarnermik ingerlatsinernik imaqarpoq.

Sammisaqarnerit amerliartuinnartut misigaarput paasissutissallu ersarissut kiisalu digitaliusumik aaqqissuusat pitsaasumik atuuttut pisariaqartinneqarput. Taamaattumik nittartagatsinni aamma qinnuteqaatilerinermullu suliassanik tapertaasussamik suleqatissarsiorpugut.

Atorfik pingaarnerusumik tassaavoq digitaliusunik pioreersunik aserfallatsaaliuineq, aaqqissuussineq aammalu pitsanngorsaaqqinneq, programmiliortarneq imaluunniit nutaamik ineriartortitsineq pinnagu.

Ulluinnarni ingerlatseqataalissaatit, tassani paasissutissat nutartikkat, paasiuminartut aammalu nunami namminerimi kiisalu nunanit allanit qinnuteqartunut atorneqarsinnaasut qulakkeernissaannut peqataassallutit.

Atorfik sapaatit akunnerannut akunnerit 10 missaani suliffiusassaaq.

Suliassatit

- IT-mut attuumassuteqartunik, allaffissornikkut aammalu attaveqaatigiinnermut tunngasunik suliaqassaatit, ilaatigut:
- Ilisimasassarsiornermut allaffiata nittartagaanik nutarterineq

aserfallatsaaliuinerlu <https://expeditionsgreenland.gl/>

- nittartakkap aaqqissuusaanera, imarisaa ilitseruutillu, ajornanngitsumik nassaarineqarsinnaanissaa paasiuminartuunissaalu
- linkit, allagaatit immersugassallu eqqortumik atuunnersut qulakkiissallugu
- qinnuteqartut eqqarsaatigalugit atuisussanut naleqqussaaneq aamma paasiuminarsaaneq
- nittartakkatigut qinnuteqarnissamut suliaassanik tapertaaneq
- atuisut nittartagaanni qanoq atuisarnerannik misiliilluni, kukkunerit imaluunniit paasiuminaatsut suunersut paasiniarlugit
- nittartakkap imarisanik ikkussuineq, oqaatsitigut kukkunerisuiineq aammalu pitsaassutsimik qulakkeerinninneq
- digitaliusunik filinik, immersuiffissanillu aamma ilitseruutunik aaqqissuussineq
- digitaliusumik suleriaatsit ingerlaavartumik pitsanngorsarneqarnissaannut peqataaneq
- nittartagaq, IT kiisalu digitaliusumik allaffissorneq pillugit suliaassat takkussuuttunik assigiinngitsunik suliaqarneq

Ujarpatsigit

- aaqqissuussamik sulisinnaasoq aammalu sukumiisumik eqqummaariffeqartoq
- paasissutissat pisariusut paasiuminarnersissinnaavatit aamma atuisunut naleqqussarsinnaavatit
- nittartakkanik, digitaliusunik systeminik aammalu allagaatinik atuneq sungiusimavatit
- nammineerlutit sulisinnaavutit aamma suliaassat aallartitat naammassillugit suliarisinnaavatit
- paasiniaarusussuseqarputit, aaqqiissutaasinnaasunik ujartuisarputit aamma aperinissaminut tunuarsimaartuunngilatit
- oqaatsitigut allakkatigullu paasiuminartumik aammalu erseqqissumik attaveqagateqarsinnaavutit

Oqaatsitigut piumasaqaatit: Kalaallisut, qallunaatut, aammalu tuluttoorsinnaanissamut ajunngitsumik piginnaasaqarnissaq.

CMS-systemimut, nittartakkanut, nittartakkatigut qinnuteqaatinut imaluunniit digitalikkut allaffissornikkut misilittagaqarnissaq iluaqutaassaaq, piumasaqaataangillalli.

Kina qinnuteqarsinnaava?

Atorfik assigiinngitsunut nalequuppoq:

- IT-mut, attaveqatigiinnermut, allaffissornermut imaluunniit assingusumik ilinniartuunissat
- inuit isertitaminnik allanik tapertaqarnissamik kissaateqartut
- suliffimmik ingerlatsinerminni ukiuni kingullerniittut, akunnerit ikinnerusunik sulisarnissamik kissaateqartoq
- illit, nittartakkanik imaluunniit digitaliusumik allaffissornermik misilittagaqartutit aammalu suliffimmik ilaannakortumik suliaqarnissamik kissaatigisaqartutit

Pingaarnepaavoq, peqqissaartuusutit, aalajangersimasumik sulerusussuseqartutit aammalu aaqqissuussineq, imarisat kiisalu atuisunut pitsaasunik digitaliusunik aaqqiissutunik suliaqarnermik kajumissuseqartuusutit.

Neqeroorutigaarput:

- sapaatip akunneranut akunnerit 10 missaani suliffik (ilaannakortumik atorfik)
- suliffissat piffissat aalajangersimasut isumaqatigiissuteqarnikkut allanngorsinnaasut
- nittartagaq, nittartakkatigut qinnuteqartarfimmut kiisalu suleriaatsit pillugit ilinniartitsineq

- digitaliusunik suliassanik aalajangersimasunik oqartussani suliaqarnissamut periarfissaq
- atuisunut pitsaanerulersitsinissamut aammalu paasissutissanik ersarissanissamut pingaarutilimmik inissisimaneq
- sulisoqarnermik pikkorissunik, suleqatigiilluartunik aammalu attaveqatigiinnermi pisariitsumik periuseqartunik suleqateqarneq
- sulisut atugarissaarnissaanut, suleqatigiinnermi aammalu akisussaafeqarnermi pingaartitsisumi suliffik.

Uagut pilluta

Pinngortitaq pillugu immikkoortortaarfik Avatangiisinut, Pinngortitamut, Nukissiuutinut Ilisimatusarnermullu Naalakkersuisoqarfimmiippoq. Naalakkersuisoqarfimmi sulisut 40-t missaaniipput suliassaqaqfinnut assigiinnfitsunut agguataaqallutit nunatsinnilu suliassat qitiusutut suliaralugit.

Uatsinni suliffiup avatangiisai immikkut ittumik pitsaassuseqarluarnerup, suleqatigiinnerup aammalu pisariitsumik attaveqatigiittarnerup malunnaateqarput, tassani ikioqatigiinneq aammalu ilisimasanik avitseqatigiinneq pingaaruteqarlutik.

Ilisimasaqarnerorusuppit?

Immikkoortortami pisortaq Mettelise Fritz Hansen attavigiuk oq. +299 34 52 57
imaluunniit e-mailitigut: mtha@nanoq.gl.

Akunnermut suliffiusussat

Agguaqatigiisillugu sapaatip akunneranut akunnerit 10-t sulisassaati.

Aningaasarsiatigut atorfinitsitaanermilu atugassarititaasut

Atorfik siunnersortitut imaluunniit ilinniarnermi saniatigut ikiortitut atorfinitsinneqarsinnaavoq. Akissarsiat aammalu atorfininnermut atugassarititaasut isumaqatigiissutit atuuttut kiisalu illit piginnaasatit naapertorlugit aalajangersarneqassapput. Akissarsiat atorfininnermilu atugassarititaasut, tassunga ilanngullugit atorfinitsitaanermi soraarnermilu angalanissamut akiliunneqarnissamut pisattallu nassiunneqarnerannut Kalaallit Nunaanni Namminersorlutik Oqartussat kattuffiullu isumaqatiginniarsinnaatitaasup attuumassuteqarfigisap akornanni isumaqatigiissutaasut atorfininnerup nalaani atuuttut naapertorlugit ingerlanneqassapput. Qinnuteqartoq uppersarsaatitalinnik piginnaasalik immikkut siunnersortitut, siunnersortit pisortaatut siunnersortaanertuunniit isumaqatigiissutit naapertorlugit atorfinitsinneqarsinnaasarpog.

Najugaq

Atorfimmut atatillugu sulisunut inissiamik innersuussisoqarsinnaanngilaq. Qinnuteqartoq Namminersorlutik Oqartussani atorfeqarnermini sulisutut ineqartinneqareersimaguni sulisutut ineqarsinnaatitaanini tigummiinnarsinnaavaa. Atorfimmut atatillugu ini atorfeqarnermut tunngavoq, taamaalilluni atorfeqarnerup unitsinnerani qimanneqassalluni.

Qinnuteqaatit, CV, ilinniarsimasanut pikkorissaatigisimasanullu uppersarsaatit kiisalu paasissutissat allat pisariaqarsinnaasut "qinnuteqaat nassiuguk" toorlugu nassiutikkat.
E-mail-ikkut qinnuteqaatinik tigusineq ajorpugut.

